


重刻幼幼新書序



上古聖人其視黔黎真若  
一體稍得其所以生者即  
思去其所以害生者以故  
炎帝甫制耒耜教民對秋



顯微  
于民老老幼幼寧有二觀  
且必自壯而壯而後老而  
至于幼幼遊術抑何其簡

顯彼其一日而不能忘術  
民之生也如此然聖人之  
于民老老幼幼寧有二觀  
且必自幼而壯而後老而  
至于幼幼之術抑何其簡

子之術神矣而未  
有稱及幼幼者何也  
豈聖人之仁其心思  
尚有所不及而三代  
之民不甚愛其子耶  
將無風氣樸茂所得  
于先天

者不薄而天札之慮少故也然自余之生長閭里間耳目所覩見人之生以日計而得全者十不能七也以月計而得全者十不能

八也以歲計而得全者多矣然痘癩瘰之則十又不能六也夫痘疹于幼為甚危而醫之于方絕不及者何也或曰其症不起唐以

前第不知所繇始攷之前  
史備載人貌之妍醜正偏  
獸不言疼厲其然哉夫豈  
者之為疾非若壯而老者  
之有七情五欲焦心勞形

以為罔其感也不煩而治  
之若稍易然既不能自名  
其所苦與所繇病狀欲以  
方寸之指而察其脉則甚  
難天下之為人父以律為

人子者之情則老者差急  
而少者差緩然以事理論  
則老者所必至而少者尤  
摧闕而可憫用是而觀凡  
唐宋之際有能究顛顛及

痘癩諸方證而筆之書者  
其人不必聖人而其用心  
與操術則聖人也宋故有  
幼幼新書長沙劉帥託叢  
爲方者王曆王湜萃諸方

而詮次之而李康為之序  
者也凡三百餘季而書散  
佚不備吾韞之精于醫者  
陳履端氏奉其父之遺意  
求之二十餘年而始得其

全念其傳之弗廣也訂其  
誤刪其複而手書之以授  
梓人於戲若履端者不亦  
聖人之徒也哉竊聞之  
主上高拱淵穆日勤思元

元卹灾賜租必欲使斯壻  
登仁壽之域而後愉快然  
則是書行其所以陰翊王  
政不淺也是故感而為序  
之

嘉議大夫南京刑部右侍  
郎予告瑯琊王世貞撰



重刻幼幼新書序

重刻幼幼新書序

夫醫道難言也其原稽之五  
運六氣而論衛氣以二十八星  
房昴為緯虛張為經奎璧角亢  
則其門戶也又推之太乙移天五

帝之所司鬼神之與幽此聖人  
之能事而豈今之所論乎昔之  
喜方者太倉公自言其所搜出  
公孫光陽慶始甚秘必精謹始  
有傳然經脈言小兒者尤鮮也

惟官能言嬰兒病頭毛逆上者  
不全一言耳及扁鵲入秦為兒  
醫則固有其術哉漢以來乃無  
其書豈盡載他方中耶曹魏後  
漸著矣江左有俞氏療小兒方

徐疔嚮瘰少小百病方逮療少  
小雜方又瘰少小疹方范氏瘰  
小兒襍方王末瘰小兒襍方小  
兒經方徐氏少小方瘰小兒丹  
法皆自晉以來傳梁太清樓所

列也唐以後書不能盡舉顧今  
竝不存雖宋劉湖南書尚亡洪  
陳子得之如此其艱也夫少小者  
雖云生長之易然氣猶舍而未  
充故云孩莢也凡物根莢之萌

唯在所滋植之辟豫章之始芽  
藥也搔之不勝逮其長也而後  
能勝震陵之風雨則夫幼幼者  
經方藥論可不備陳哉且幼之  
病病者無窮而醫之論病者莫

盡矧血營猶淖筋節尚柔脉  
之不可究尋止以形氣色澤毛  
革決之其凝泣之端淺深之候  
順逆之度少多之喻虛實之殊  
過不及之分迎奪之用合離之

辨所謂拙者以不足巧者以有  
餘是尤不可以盡言也且人知少  
者始之病疹也似同而終之所傳  
化也不測醫之始投也似易而卒  
之所取驗也甚微謂攻之可使疾

去者而不知毋伐其和取之于毫  
芒而失之于千里以為養長之者  
而其入愈深至不可療是何其相  
鑿之甚也而以為其初未始殊故  
陳子類之百數十門者古所謂如

迎浮雲如窺深淵殆猶未耶若痘  
疹者尤幼少所以係死生也謂古  
或未有者張黶陳澤不以面乎  
唐人所謂麻胡與黑壓黑巨胡將  
無是耶然胡迺不患故不敢深

犯我者是以地耶則古今之變又  
安可窮者大要發之以至於痂而  
晚若苗之秀以實乎必若肉則之  
言致謹於閨門衽席間眎聽飲  
食盡所謂胎教者必無患矣是

其爲十全之禁方哉宋以來吳  
之專家者曰陳曰錢二氏陳以  
熱錢以涼故有火與冰喻者今  
二家漸歇而書猶出自錢則其  
源緒可推而金陵之陳自枳田

益盛陳子傳父學而參以衆家  
尤精良有驗四方來謁藥者恒  
滿若是書求之累年不置爲之  
分析條其義與所授各有宜其  
解悟得之性手敏心調特以神

遇之而猶必本之方所載可謂不  
輕用矣予固好數意尤善之予所  
聞五驗曰敷和升明備化審平靜  
順此醫之大旨也少小方當不易  
此屬銀梓且完為書此刊其

端

賜進士河南按察司僉事

晉階朝列大夫前監察御史

沛國劉鳳撰



始平馮時範書



校刊幼幼新書序

友人陳子履端校輯幼幼新書既就緒復手  
自繕寫付梓應文閱之而深有感焉夫人之  
所病病疾多而醫之所病病道少方書之切  
於世用也尚矣矧嬰兒質特脆而語未達調  
治為艱又古方之傳者獨鮮宜陳子之悉力

購求而殫精刊定也其為病者謀為治病者  
謀可謂均無憾也已抑醫之能十全也不專  
在方方不足則患夫少筭而不勝方有餘則  
患夫多岐而易惑欲其不乖於方而不泥於  
方也必也運量於一心乎傳曰如保赤子心  
誠求之雖不中不遠矣語天下之無所不用

其心孰如父母之愛子者善醫者果能以衆  
父母心為吾心即隨時審症處方授藥採縱  
損益動中機宜必能通其不能言之意而奏  
彼不世出之功雖古方所未發者咸可裁自  
一心而投之所向靡不如意也奚但顛顛一  
科擅神聖功巧哉推是心也而視人親若吾

親則過雒陽而即為耳目痺醫可也憫匹夫  
疋婦弗獲其所則過邯鄲而即為帶下醫可  
也舉同類之痒疴疾痛者而皆孩之雖醫國  
醫天下者且將就而問道焉而况呱呱襁褓  
者疇不長育於寸衷之惻怛耶然則新書四  
十卷而一言以蔽之者豈他物也且夫世所

急願治而醫所不易治者皆以嬰兒所苦為  
最甚或者邂逅此際而一念稍差於是乎見  
鼎盛家而為貪求心見下劣家而為輕忽心  
若然者其胸次已先自亂矣縱有禁方五車  
誰復能決擇而善用之乎故嘗謂業醫者活  
人之心不可無而自私之心不可有未醫彼

病先醫我心夫然後可與斟酌變化握道樞  
以應無窮而幼幼之書始不爲紙上陳言已  
矣陳君君子長者也仁慈一脉既紹枳田先  
生之家學而早歲習儒中歲奉釋其滋培夫  
心地者尤有素所謂不可無之心幾備而不  
可有之心幾泯焉者其究心是編也雖曰載

籍極博以愚觀之皆君妙明心之註脚云爾  
噫嘻愚更有叩於君君方刊布新書而復叅  
尋內典內典所謂有奴藥王名阿伽陀遍治  
衆病者此非特新書未載蓋自炎帝所嘗軒  
帝所問尚秘焉以此幼幼奚啻十全即萬全  
不足道也第不知其藥之貌象若何君試拈

出與宇宙間精於醫者共識之

萬曆十有四年歲在丙戌秋九月之望日巢  
居子張應文著并書



幼幼新書古序

門人左迪功郎潭州湘潭縣尉主管學事巡  
捉私茶鹽礬李庚

醫家方論其傳尚矣自有書契以來雖三墳之言世  
不得見而神農本草黃帝內經乃與宓犧氏之八卦  
綿歷今古爛然如日星昭垂信乎藥石不可闕於人  
而醫書尤不可廢於天下或者乃謂醫特意耳不庸  
著書唐史臣以此劇口稱道於許嗣宗殊不知張仲  
景孫思邈輩率千百年而得一人使其方劑之書不

傳則醫之道或幾於熄矣是或一偏之論也  
湖南帥潮陽劉公鎮拊之暇尤善方書每患小兒疾  
苦不惟世無良醫且無全書孩抱中物不幸而殞於  
庸人之手者其可勝計因取古聖賢方論與夫近世  
聞人家傳下至醫工技工之禁方閭巷小夫已試之  
秘訣無不曲意尋訪兼收並錄命幹辦公事王曆義  
道主其事鄉貢進士王湜子是編其書雖其間取方  
或失之詳立論或失之俗要之皆因仍舊文不敢輒  
加竄定越一年而書始成惜乎公未及見而疾不起

公臨終顧謂庚曰幼幼新書未有序引邇來欲自爲  
之今不皇及矣子其爲我成之庚曰謹聞命嗚呼學  
士大夫公天下以爲心者幾何人哉平日處念積慮  
無非急已而緩人先親而後踈物我異觀私爲町畦  
其來蓋非一日昔吾夫子助祭於蜡出游魯觀之上  
喟然發嘆以爲大道之行天下以爲公故人不獨親  
其親不獨子其子大道旣隱天下爲家各親其親各  
子其子夫子之嘆蓋嘆魯也然而天下後世豈止一  
魯而已哉滔滔者皆是也東漢人物如第五倫者悃

幅無譁質直好義似若可然也意其設心必有大過  
人者至於或人問之以有私乎倫則曰吾兄之子嘗  
病一夜十徃退而安寢吾子有疾雖不省視終夕不  
寐自以謂不能無私夫以兄之子尚若尔况他人之  
子乎以第五倫尚若尔况下倫一等者乎宜乎夫子  
之嘆之也今公之爲是書使天下之爲父兄者舉無  
子弟之戚少有所養老有所終家藏此書交相授受  
慶源無窮其爲利顧不博哉以此知公之存心非特  
無愧於今之人抑亦無愧於古之人矣紹興二十年

九月幾望謹序

重刻幼幼新書叙

醫兵也小兒病弱國幼主被敵也質柔脆易侵難禁  
且不能自達難測而易起疑故治小兒病輔弱國扶  
幼主而禦強敵也不有祖述即山甫方劑不免浪戰  
即勝猶幸况不勝乎宋本幼幼新書心保赤子具本  
具末具變悉中冑縻得呂牙孫武制勝合變之玄機  
誠醫家韜鈴之選也板經兵火亡失已久印本世唯  
存二一留 中秘遠不可得一屬錢氏閱不可求端  
世幼科傳自白下先子枳田痛嬰兒多抱期頤而天

襁褓宏修前學斬斬若不逮搆得一二端髫時捧讀  
心慕更求無獲而錢氏故本轉歸雲間顧所山氏端  
因黃清甫河水為介紹懷資偕某懇得之與某各藏  
其半顧本合南北宋板復缺三卷有奇端神祈廣詢  
一恒徐永錫氏有質本抄得其全玉菴楊大潤氏欲  
抄而索之某竟秘以烈焰辭閱歲徐本歸古歛程大  
綱氏復往抄之始獲觀全帙深慰天幸且筆且讀領  
其要畧會見壺醫傷寒家無分七熱風食輒以傷寒  
治問之曰不爾何以身熱如炙也疢積家無今五疢

蟲食積聚輒以疢積治問之曰不爾何以面黃腹脹  
肌羸也驚悸家無今痘疹癩瘰風痰虺厥悉以驚風  
治問之曰不爾何以涎潮搐搦戴目也昧日閉偏仁  
智治多天闕目擊其弊知不可戶曉也鄙心惘然欲  
以書傳布而廣濟之載易寒暑刪繁理亂裁初本十  
之三稿凡四易卷四十總五百四十七門便簡閱也  
傾貲採梓數字償值手錄授工首事兩月食木者六  
之一同志如某者雜以力助完卷可冀庶乎家世者  
不至襲舊名而妄投崛起者不至無章程而杜撰師

門授受不至秘而不傳使人人祖述病者起生者延  
夭者壽仁術廣開惠澤宏溥遠宗作者之謨近繼先  
子之志一生苦心盡是矣雖然病有機變方貴合宜  
運用之妙存乎一心書猶筌蹄也亦猶兵家時日異  
宜戎蠻異性器械坐作叵膠柱也尤有進焉大率腦  
麝牛黃爰暨石藥悍劑皆不可輕用醫家每以網利  
而重投病家每因慕名而甘戀不知厚味一進引寇  
入肝脾心臟牢不可拔遂為兒異日害雖鵠緩莫能  
施其術此又世之大戒也故更以鄙見擬別錄本草

輔之見古方不可執一云

萬曆十四年太歲丙戌端陽日古吳陳履端謹序

幼幼新書

凡例

一原初

此書議論悉中肯綮凡遇一病具本具末具  
 變故病名甚夥顛顛經以後是書以前盡皆  
 編入降是幼科諸書若百問類萃集成等多  
 不過四五冊然是書為幼第一全書但卷  
 帙浩繁工未易集方論重複觀者起厭未有  
 專刻者

一古序

序云取方失之詳立論失之俗要之皆因仍舊文不敢輒加竄定以此卷帙繁冗端極知僭妄盡加筆削撮要刪繁期于便覽獨于本旨則毫不敢失云

一參考

宋演山省翁曰潭州周宅廣取其文編集幼幼新書四十卷排列名方似涉繁碎猶如元帥欲以一箭退伏兵定太平求選善射一夫

百萬軍衆皆張弧矢以待以較臨機對壘檢閱較審正猶鬪而鑄兵夫萬軍皆張弧矢則一箭雙雕下者固衆而不中紅心者亦多以是故就中稍加去取若必無益而有害者皆削去合于時者存之至若論議可否並載以待觀者自裁止于章句加筆削云耳

一正訛

第四卷將護小兒法門保衛鞠育章云衛白之天五杜風池之邪白即古顛字衛白之天

五疑當作衛顛顛之天夫此書雖王曆王湜  
所編想劉帥病革後止完三十八卷餘皆潦  
草以完故事未經對訂故此類甚多中亦有  
文脉相斷者悉用鄙意忝定改政

一存疑

第七卷驚啼門千金翼方用阿伽佗藥此在  
釋典華嚴經第七十八卷入法畱品彌勒菩  
薩告善財童子云菩提心者如阿伽佗藥能  
令無病永安隱故則知阿伽陀之一味或佛

之寓言表理或竺軋實有是藥但震旦從來  
所無千金翼之意蓋特謂驚啼之證天意人  
事相半儻非藥石所能療者醫家病家皆須  
發菩提心即福德陰佑庶幾嬰兒自安乎至  
若疲啼門睡洪散用佛花下註云即曼陀羅  
華則此品本出法華經云天兩摩訶曼陀羅  
華註為大白華斯乃天中之天將說諸佛壺  
尊以一大事因緣出現于世故天帝先現奇  
祥尚非人寰所有况東土哉今以此境白花

結子號風茄者文以美名權充之不啻優孟  
之效孫升教耳然既與乳香朱砂麝香共劑  
想能安神止啼則指物而非譚理却與阿伽  
陀例不同又按華嚴經所論一菩提心而所  
喻百千端只藥部中有名善見者能除一切  
病有名無畏者離五恐怖有名摩訶應伽者  
毒蛇聞氣遠去有云毗笈摩者毒箭自然墮  
落此皆事理兼帶不可思議因茲想像佛之  
法藥豈但區區愈人四大病已耶

一 刪繁

書既未經竄定方皆排列則其繁處頗多或  
一章盡合全刪或章中句有繁者刪或句中  
字有繁者刪悉皆刪以就簡別削章削句削  
字例具後

一 理亂

如第三卷秘要指迷具人面部穴前總一圖  
後列八圖每圖各于五官寫穴并色及見證  
殊覺紊亂難觀今總一圖先于某處填某穴

以便觀者知某部位後即細開頭顙印堂太陽山根眉為一項面臉為一項眼目眩睛為一項耳聾人中為一項口唇承漿為一項細開某處見某色主某證主吉主凶

一去複

如第三卷病原門止宜列病名并致病之由如五疳止宜直書名目莊氏五疳歌細分某疳見某病証此病證形候門事不宜在病原門然病証形候門水鑑五疳歌與病原門莊

氏五疳歌持三五句異今病形候門以水鑑為主而莊氏同者削去異者悉分行註于下餘倣此

一就便

第二卷三關錦紋門載八段錦脉形論歌水鑑楊大鄴莊氏各為一宗而圖文不異頭緒既繁觀者不便今總為八圖每圖下以水鑑為主而楊大鄴莊氏與水鑑同者削去異者分行註下餘倣此

一削章

第一卷求子方論門第一條云周南國風采芣苢之美也和平則頌人樂而有子王氏以采芣為藥使人有子爾雅云采芣馬舄車前也夫立言以經為首固遯其本原然不切方論削之餘倣此

一削句

第一卷求子方論門第二條千金論求子必得下有若其本命五行相剋及與刑殺衝破

并在子休癸死墓中者則求子了不可得慎無措意此數語與前當知夫婦本命五行相生與德合等數語特相反耳今于求子必得下着一不然字接下縱或得之終亦累人而于若其本命五行相剋數語削去餘倣此

一削字

第一卷求子方論千金雜禁忌法削雜法二字聖惠人無子條若墳墓不嗣年命相剋此二者非藥能益削不嗣相剋此二者數字餘

倣此

一定方

古方與今方不殊豈人不同歟亦氣有厚薄也尚論古人漢世啗玉唐人餐石宋去唐不遠石藥未盡除方今氣漓雖草根樹皮不可輕用故人參養命藥也食之令人飽悶多致不救况其他乎故用藥者固宜慎觀書者尤當酌

一削方

古方多用金銀屑水銀輕粉砒等夫以腦麝石藥尚不宜輕用况此輩乎哉存而不削甚惑初學今皆刪去其或存一二者因病瀕死萬一得中幸而獲全差有愈于死耳觀者審之

一酌方

首卷千金白薇丸與聖惠白薇丸方同少有不同者于千金方下書聖惠少石膏等多菖蒲千金柏子仁丸與聖惠柏子仁丸亦此例

若千金秦栳丸與聖惠秦栳丸藥品一味不  
殊則削聖惠方餘倣此

一補遺

湯飲丸散如第三卷云益黃散見胃氣不和  
門當在第二十一卷第九門中求之下云瀉  
青丸見驚熱門而不見于驚熱者當在四十  
卷末附方中求于此不見必此方謄本元闕  
不必他求

一方書

此書萃內經顛頤巢氏千金聖惠等書詮次  
成帙每條上贊以本書名叙論如素問云何  
顛頤云何巢氏云何叙方如顛頤某湯某丸  
千金某湯某丸聖惠某湯某丸若一書而錄  
論三四條四五方者首條上冠以書名餘止  
書論并方耳

一品方

方不合時與捍劑並削有去取間者則先書  
病原後書湯散丸飲名若先書某湯某飲某

散其丸而後及病原者愚意為可用若天有  
寒暑地有南北歲運有陰陽人稟有厚薄及  
氣血之強弱性質之宜溫宜寒受病之深淺  
并寒熱之殊久新之異要當臨機酌用此非  
愚之所逆料也

### 一服法

藥有食前者有食後者有早服者有臨卧服  
者有早晚各一服者有宜早午而不宜晚者  
有宜午晚而不宜早者有日三四服者有夜

亦宜服者有不時服者悉具本方後其云更  
量與者或以時之早晚量以年之大小量以  
病之淺深量蓋量以施藥也在藥則湯飲以  
合量散以錢匕刀圭量丹丸則以圓重而圓  
者又以如粟量如黍量如梧子如雞頭量者  
凡可意裁者悉以量書



